

逼近苗疆勦捕當不可稍緩想各大官智珠在握固無須增杞憂也至一切細情傳者甚略未得深悉姑先錄之以俟後聞

茶市新議 ○傳得本月十一日漢口美領事照會江漢關何觀察云今年西商買茶每箱二十八磅之外者應扣除一磅以作渣滓之抵等語觀察如何照覆尙未探悉然此說亦係武昌人傳言并未知的確否也

舖庄倒塌 ○漢口鮑家巷正昌舖店去年曾爲某雜貨行拖累行將閉息嗣經各存戶見爲數甚巨恐致決裂勸其仍復舊業逐漸抽收今二月初吉果又開張然店底久虧聲名已壞市上便難活動月之初九日竟如舊症復發病莫能與隨有票號元豐致扭住夥伴五人送縣押交店主詎該店主曾三早於初八日午後避匿眷口亦先期遷避不知去向現將店房及住宅一體發封着保甲看守聞虧負各項約有六七萬金以元豐致協成乾爲最多云同時有上街至公巷某錢舖亦倒數千金亦被債主執送該店父子三人於漢陽邑署至如何究追訊辦刻下尙無所聞也

嘉興府試通場題 ○招覆首題 子張曰子夏云何對曰子夏曰 次題 一游一豫爲諸侯度 詩題 四之口其蚤得先字

○初覆四書文題 稷思天下有飢者由已飢之也是以如是其急也 經文題 故天降膏露地出醴泉 詩題 鷹化爲鳩得鳩字 式覆文題 百姓聞王車馬之音見羽毛之美舉欣欣然有喜色而相告曰 賦題 楊柳共森旗一色賦以題爲韻 詩題 元戎小隊出郊桐得郊字 ○終覆文題 侯一位 楚產也 在親民 入其疆 坦湯湯 則有慶各作一講

戲言駁蚌 ○山東甲乙兩人彼此相識初十日同在蘇之肯門外酒肆飲酒甲謂子初至蘇垣人地生疎並以連日陰雨生計甚拙汝則多年貿易當可小康乙謂子妻不養漢子不做賊何處有儻來財物甲聞言眉豎目突抽所佩刺刀直刺乙胸乙急躲避已中右臂旁人卽爲解勸乙乃負瘡詢故甲托言醉酒罪而散大約乙所言者偶中甲之隱事耳金人三緘其口有以夫

喪子於律 ○浙紹某君游幕江南當途皆倒屣爭迎家寓蘇垣生一子年甫弱冠性極聰穎延師課讀握管成文今春歸爲其子論婚授室既合香未及旬日子忽暴亡某大傷悼及殮撫膺慟哭謂吾聞操申韓術者出入生死一不經心使造無窮之孽求其生而不得死於病者猶且難堪况其死於法乎今而後不敢復爲此業矣乃罄書篋取則例等書悉投之火

蒙師被竊 ○蘇閩外花步街留園旁先賢程子祠堂中一蒙師授徒數人與看祠某甲兩人同住初七夜祠中蒙師被竊衣服等項幾於席捲惟究竊賊去來蹤跡頗可詫異蓋圍牆外而並無缺損惟牆內鑿去數磚挖而未穿蓋爲牆根石脚所阻也茲聞祠中業已報縣不日當即踏勘云

戲弄淹死 ○甯波樸木廟前河面頗闊有小船二隻橫泊其中前日有近處童子三人游戲於船內繼而共倚一邊用力扳推船亦搖擺一童用力過大失手落水斯時既無人見船中又無篙櫓不能撈救二童相戒勿言而逸失童之家尋覓數日不得蹤跡後見屍身浮起始由鄰人云初五日早間曾見於是處與某家二童共戲舟中爰即詢之乃得其實戲之無益也如是爲父母者所宜隨時戒勸也

衍聖公過境 ○探聞龔封衍聖公孔爵憲赴都 陸見後由輪船來滬寓寶善街滇捐分局中不日卽行起程云

查禁做俗 ○本埠茅山殿亦從蘇省風俗每年春有解餉之舉昏鏢冥錠堆積如山少婦村男往來如織其實皆經手者藉以漁利而習焉不察莫知其非苟仍有湯文正公其人當早付之摧毀之列矣昨幸草邑尊親詣稽察見有昏鏢無數卽傳在殿之司事顧小和詢以元寶何用答稱從解餉而餘下者又問爾等歷年解餉如此虔誠究竟茅山真君有無批回可據顧不能答隨飭帶回署中掌實二十五板着柳示於該處石獅子上許俟三茅真君顯靈日再行開釋并聞在廟之一切人等擬盡驅逐另招羽士住持云又悉陳寶渠司馬仲體諸觀察有禁開佛店之意前日特傳差保諭以界內佛店一律飭卽遷移如有抗違許卽指名稟究差保至四馬路西之葉家聞見悟禪庵內男女老幼共約有二百餘人正在飄經禮佛詢是何名答稱太陽生日也差保隨稟覆在案特不知司馬如何發落耳

樂善可風 ○前報本城邑廟保嬰總局以河南荒災嬰兒必多拋棄擬籌款往彼設局收養茲據該局函稱已有計李氏捐錢五十二千江右崇邑陳黃氏捐洋二十元徽州休甯戴吳氏捐洋十元並有湖州董文益號及陳君六峰寄到英洋五十五元此皆與該局素不相識特聞風感念急起輸將其勇於爲善之心誠有迫不及待者但得諸善士速共解囊該局迅爲施救以實心行實事則尤本館所深望也

馬車肇事 ○昨午法租界紫來街口相近處有空馬車一輛馬夫方下車整理馬忽向西奔逸至高第西里口適有一小車停在路旁馬雖躍過而兩車相磨小車已寸寸斷裂馬亦隨壓倒地比經馬夫趕到將馬扶起又往東竄跑雖未傷人而事已險極小車贈送巡捕房云

崇儉以賑飢十說 ○大地山河同是與胞之國申江風月豈無惻隱之心晉秦之休戚相關泛舟可頌吳越之富饒獨擅助粟何妨舊歲今春山西河北竟稀雨澤赤地堪憂莫覩雲霓荒天有兆黃童白首亂填溝壑之中幼女蒼婆拋落道途之上莫說糠粃可咽樹已無皮請看草葉俱空人皆立骨誰無父母皆爲天地之生成各有妻孥豈可域畛之漠視余有懷憫痛無力施將視滿地之哀鴻難安枕席